



V Vilhelmus ex nobili familia Diesbachiorū anno Domini circiter millesimum quadringentesimum quinquagesimum Bernæ Heluetiorum natus est. Is cum à pueris optimè institutus esset, adolescens factus longissimas peregrinationes subiit, atque etiam Cæsarum & regum castra sequutus fuit. Itaque cum sua integritate omnibus approbaretur, eques auratus constituitur. Cum hoc modo Vuilhelmus magnum rerum usum sibi comparasset, atque in patriam rediisset, Bernensis Consul, quem Schultetum dicunt, constitutus est, eo tempore quum Sueuicum bellum, & postea Mediolanense in Italia excitatum erat.

In ea functione is singularem prudentiam declarauit, & patriæ utilissimus ciuis extitit. Itaq; ea respublica plurimum excreuit, atq; inter reliquas eius regionis urbes, magistratus sui uirtutibus, caput plurimum extulit. Cum hoc modo Vuilhelmus omnibus gratus esset, Anno ætatis septuagesimo, salutis uerò millesimo quingentesimo decimonono obiit, atq; Bernæ honestè sepultus fuit. Eius posterī etiamnum Bernæ supersunt, atq; sua pietate & prudentia patriam exornant. Anon.